

欽定石渠寶笈三編

欽定石渠寶笈三編

延春閣藏 十三

列朝名人書畫

宋李唐文姬歸漢圖

一冊

宋李唐畫四時山水

一冊

宋李唐松壑流泉圖

一卷

宋李唐萬壑松風圖

一軸

宋李唐高閣雙清圖

一軸

宋李唐煙嵐蕭寺圖

一軸

宋蕭照畫山腰樓觀

一軸

宋李迪畫風雨歸牧

一軸

宋吳說尺牘

一冊

宋蘇漢臣鍾馗逐福圖

一軸

宋蘇漢臣貨郎圖

一軸

宋蘇焯端陽戲嬰圖

一軸

宋林椿十全報喜圖

一軸

宋朱子尺牘

一冊

宋朱子自書城南二十詠

一卷

宋劉松年宮蠶圖

一卷

宋劉松年香山九老圖

一卷

宋劉松年蓬壺仙侶圖

一軸

宋劉松年絲綸圖

一軸

宋劉松年瑤池獻壽圖

一軸

宋劉松年醉僧圖

一軸

宋湯正仲畫梅花

一軸

宋馬遠豐年考牧圖

一卷

宋馬遠畫王羲之玩鵝圖

一軸

宋馬遠對月圖

一軸

宋馬遠攜鶴問梅圖

一軸

宋馬遠畫雪景

一軸

宋常杓篆書宋人詞

一冊

宋李唐文姬歸漢圖 一冊

本幅十八對幅。右絹本皆縱一尺五寸八分。橫一尺二寸四分。設色畫。胡笳十八拍詩意。一畫鐵騎圍宅。文姬蒼黃被擄狀。二畫蕃騎雜還。旌旗蔽空。擁文姬出塞狀。三畫穹廬種帳。文姬與左賢王藉紅氍毹。前橫几設盃案。狀。四畫穹廬夜閉。野無人蹤。女姬攜小女奴。捧琴囊。徘徊寒皋。凝睇佇月狀。五畫文姬與

左賢王並坐毳帳中。有兵仗植於前。帳外列  
牛馬車輜。及蕃卒據地炊食狀。六畫曠野蕭  
寂。北斗麗天。文姬仰瞻。旁侍從作指點狀。七  
畫穹廬中。啟文姬與左賢王前坐。外設氊帳。  
蕃兒藉地作樂狀。八畫塞天欲曉。文姬倚穹  
廬露立。羣蕃於帳外束卧具。或擊刁斗。吹箏  
築。作巡徼狀。九畫文姬席地展帛作書。天邊  
雁羣兩獵騎翻身仰射狀。十畫氊幃半啟。文

姬襁嬰兒與左賢王相對語狀十。畫文姬  
藉毼毼一嬰兒戲於前。旁侍女奴有朱輪小  
車駐路側狀十二。畫一兒牽文姬衣。旁女侍  
抱一兒於懷。有馬載裝。有車設帷。祇候人耳  
語躡行。傳漢使通問狀十三。畫文姬將歸。訣  
別二子。侍從環立帳外。駕車以俟。橐駝牛馬  
纍纍束裝待發狀十四。畫漢使持節騎行。番  
衆後隨。導文姬車。從山巖繞下狀十五。畫番



騎絡繹○馳送文姬狀○十六畫文姬乘牛車○漢  
使騎而先○步卒手劍可導狀○十七畫文姬駐  
車○漢使解鞍○士飲冰馬斲草狀○十八畫文姬  
返舊宅○靚妝掩袂○婦女迎門○或笑或啼○使者  
立於庭○旌節飛揚○作將復命狀○無款印○各幅  
上方分題○胡笳十八拍詩第一拍○漢室將衰  
兮○四夷不賓○動干戈兮○征戰頻○哀哀父母生  
育我○見亂離兮○當此辰○紗窗對鏡○未經事○將

謂珠簾能蔽身。一朝虜騎入中國。蒼黃處處

逢胡人。忽將薄命委鋒鏑。可惜紅顏逐虜塵。

第二拍。胡主將余向絕域。厭生求死死不得。

戎羯腥膻豈是人。豺狼難阻誰姑息。

刊本作豺狼喜

志難姑息。行盡天山足霜霰。風土蕭條近胡國。萬

里重陰鳥不飛。寒沙莽莽無南北。第三拍。如

羈囚。今在縲紲。憂慮萬端無處說。使余力兮

翦余髮。

刊本作乃

食余肉兮飲余血。誠知殺身

願如此與虜為妻不如死

與虜刊本  
作以余

早被蛾

眉累此身空悲弱質柔如水第四拍山川路

長誰記得何處天涯是鄉國自從驚怖少精

神不覺風霜損顏色夜中歸夢來又去朦朧

豈解傳消息漫漫胡天叫不聞明明漢月應

相識第五拍水頭宿兮草頭坐風吹漢地衣

裳破羊脂沐髮長不梳羔子皮裘領仍左狐

襟貉袖腥復膾晝披行兮夜披卧羶帳時移

無定居。日月長。今不可過。第六拍。怪得春光  
不來久。胡中風土無花柳。天翻地覆誰得知。  
如今正南看北斗。姓名音信兩不通。終日經  
年常閉口。是非取與在指揮。言語傳情不如  
手。第七拍。男兒婦人帶弓箭。塞馬蕃羊卧霜  
霰。寸步東西豈自由。偷生乞死非情願。龜茲  
篳篥愁中聽。碎葉琵琶夜深怨。竟夕無雲月  
上天。故鄉應得重相見。第八拍。憶昔私家恣

嬌小。遠取珍禽。學馴擾。如今淪棄。念故鄉。悔  
不當初放林表。朔風蕭蕭。寒日暮。星河寥落。  
胡天曉。旦夕思歸。不得歸。愁心想似籠中鳥。  
第九拍。當日蘇武單于問。道是賓鴻解傳信。  
學他刺血寫得書。書上千重萬重恨。髯胡少  
年能走馬。彎弓射飛無遠近。遂令邊雁轉怕  
人。絕域何由達方寸。第十拍。恨凌辱兮惡腥  
膻。憎胡地兮怨胡天。生得胡兒欲棄捐。及生

母子情宛然。貌殊語異。憎還愛。心中不覺常  
相牽。朝朝暮暮在眼前。腹生手養。寧不憐。第  
十一拍。日來月往。相催遷。迢迢星歲。欲周天。  
無冬無夏。卧霜霰。水凍草枯。為一年。漢家甲  
子有正朔。絕域三光空自懸。幾回鴻雁來。又  
去。腸斷蟾蜍虧復圓。第十二拍。破餅落井空  
永沈。故鄉望斷無歸心。寧知遠使問姓名。漢  
語泠泠傳好音。夢魂幾度到鄉國。覺後翻成

哀怨深如今果是驚心事

驚心刊本作夢中

喜過悲

來情不任第十三拍童稚牽衣雙在側將來  
不可留又憶還鄉惜別兩難分寧棄胡兒歸  
舊國山川萬里復邊戍背面無由得消息淚  
痕滿面對殘陽終日依依向南北第十四拍  
莫以胡兒可羞恥恩情亦各言其子手中十  
指有長短截之痛惜皆相似還鄉豈不見親  
族念此飄零隔生死南風萬里吹我心心亦

隨風度遼水。第十五拍。歎息襟懷無定分。當時怨來歸又恨。不知愁怨情若何。似有鋒銑擾方寸。悲歡並行情未快。心意相尤自相問。不緣生得天屬親。豈向仇讐結恩信。第十六拍。去時只覺天蒼蒼。歸日始知胡地長。重陰白日落何處。秋雁所向應南方。平沙四顧自迷惑。遠近悠悠隨雁行。征蓬未盡馬蹄盡。不見行人邊草橫。第十七拍。行盡胡天千萬里。



惟見黃沙白雲起。馬饑跑雪銜草根。人渴敲  
冰飲流水。燕山髣髴辨烽戍。鼙鼓如聞漢家  
壘。努力前程是帝鄉。生前定向胡亡死。第十  
八拍。歸來故鄉見親族。田園半蕪春草綠。明  
燭重然煨盡灰。

畫刊本作  
燭

寒泉更洗沈泥玉。再

持巾櫛禮儀好。一弄絲桐生死足。出入關山  
十二年。哀情盡在胡笳曲。無款印首幅籤題  
閻立本畫。虞世南書。宇宙第一至寶也。崇禎

十六年夏初河南樵子王鐸觀於半堂山古  
洲韓公家藏韞之左紙本空幅

後幅題跋

十八拍圖闕立本畫虞世南書世藏天府歷  
代流傳有緒者也觀其山水樹石師王右丞  
四字人物宮殿幃帳牛馬設色畫法全師愷  
之僧繇計五百餘人種種氣韻生動精妙入  
神非假之以屢年之精工莫能辦此永興書

全師王右軍蘭亭爛漫千有餘字絹素精密精神煜如誠稱天下法書名畫之冠古今之美萃於此矣真希世之珍也余每攜至公署教習督課之餘常披玩之時同觀者門人陶望齡焦竑王肯堂劉曰寧為余和墨作字者黃輝焚香從事者董其昌執筆者世能也時萬曆辛卯十月十五日禮卿學士韓世能書於翰林院之瀛洲亭鈐印二雲東生韓世能

印

鑒藏寶璽

全五

寶笈三編

收傳印記穆齋珍賞半印漫漶

謹按畫繼補遺。李唐。字晞古。河南人。宋徽宗  
曾補入畫院。建炎南渡。如杭。仍入畫院。山水  
人物最工。畫牛火之。余家舊有唐畫胡笳十  
八拍。高宗親書劉商辭。按拍留空絹。俾唐圖  
寫。据此。則是冊為李唐畫。高宗書。無疑。考劉  
商。字子夏。彭城人。大厯間進士。所作胡笳十  
八拍。載在全唐詩。與此正同。韓世能王鐸跋。  
誤以為闕畫虞書。豈有大厯間人詩句。而虞  
世南預為書之。非直未見劉商詩。並亦未見  
文姬原作。韓與王夙稱賞鑒家。此跋疎於考

訂考

宋李唐畫四時山水 一冊

本幅四對幅右絹本設色畫一縱二寸五分  
橫八寸三分籤題梅齋卷翠二縱二寸四分  
橫八寸五分籤題荷閣浮香三縱二寸八分  
橫七寸七分籤題巖樹蒸霞四縱二寸四分  
橫七寸九分籤題江舟釣雪無款印左金粟  
箋本皆縱四寸四分橫如右幅

御筆分題楷書

虛齋玉梅發。菴翠寒溪濱。喬松結物外。色香泯  
根塵。停舟探芳信。相約素心人。冷豔超俗卉。早  
占金谷春。鈴寶二。嘉慶。碧荷燦晴波。招涼坐  
柳樹。田田貼清波。朱華氣機化。靜覺遠香浮。雅  
淡非蘭麝。臨池挹幽芬。心賞消長夏。鈴寶二。嘉  
慶。御筆。筆正心正。羊腸盤峻坂。巖關據上頭。  
蒸林朱霞疊。繡壁絳霧浮。敝崖映青嶂。飛英隨  
碧流。每歲探真繪。塞山九月秋。鈴寶二。嘉慶。御

筆。寓意於物。江深雪花積。遠山卧玉龍。障空  
粉屑密。垂波凍雲濃。孤舟出汀畔。獨釣意從容。  
生計忘勤苦。得魚聊禦冬。庚子仲冬嘉慶御題。  
鈴寶二。嘉慶御筆。日監在茲。

後幅題跋

李唐在北宋為畫院名手。至南渡後亦擅場。  
在馬夏之右。此四幅乃其合作也。其昌鈴印。  
一。董其昌印。



鑒藏寶璽

全五

寶笈

三編

陶冶性靈

無為而成

宋李唐松壑流泉圖 一卷

本幅絹本。縱一尺四分。橫六尺一寸三分。設色界畫。畫巖壑松杉。橋梁樓觀。客坐琴書。村居畜牧。諸景物無款印。

鑒藏寶璽

五璽

寶笈三編

收傳印記。純道危氏至寶。賓之。口宛平書畫印。三印漫漶。



宋李唐萬壑松風圖 一軸

本幅絹本。縱五尺八寸五分。橫四尺三寸五分。淺設色畫。岡巒鬱盤。峭壁如削。巖瀑飛灑。素雲映空。緣崖蒼松。竄竄深邃。萬重煙翠。滿壑風聲。款皇宋宣和甲辰春。河陽李唐筆。隸書題石壁上。

鑒藏寶璽

五璽全

寶笈三編

收傳印記。乾卦。半悅生。款印。蕉林。蕉林審定。

觀其大畧

宋李唐高閣雙清圖 一軸

本幅絹本。縱五尺九寸三分。橫三尺二寸。淺設色。畫繞屋梅花。漫山雪色。無款印。

軸內鈐

高宗純皇帝寶璽 乾隆御覽之寶

鑒藏寶璽

五璽全

寶笈三編



宋李唐煙嵐蕭寺圖 一軸

本幅絹本縱一尺六寸橫一尺五寸二分水墨畫山色溟濛樹陰茂密寺外一塔聳峙無款印

玉池

高宗純皇帝御題行書

已開南法秀尚具北宗雄斟酌誠兼善精神是獨工泉聲疑瀲灩煙氣鎮濛濛付與芑芻侶招提坐



悟空。戊子仲春月上澣御題。鈐寶二。乾隆。

右方題跋

此幅棠村師所貽。據云向曾有邊款。李唐製三字。後為裝池俗手截去。誠為可惜。丙辰春重裝。因識柏鄉魏雋弟廷樞同煮茗觀。是日正春雨初晴也。

軸內分鈐

寶璽。淳化軒。淳化軒圖書珍祕。乾隆鑒賞。乾隆宸

翰

信天主心

鑒藏寶璽

五璽全

寶笈三編

[illegible]

宋蕭照畫山腰樓觀一軸

本幅絹本。縱五尺六寸。橫三尺五寸。水墨畫。巖壑人家。沙灘漁艇。無款印。


鑒藏寶璽

五璽全

寶笈三編

收傳印記。□□知賢印章。半印一。不可辨。

謹案蕭照。漢澤人。隨李唐南渡。唐畫以所能授之。紹興中入畫院。見畫史會要。



宋李迪畫風雨歸牧

一軸

本幅絹本縱三尺七寸五分橫三尺二寸淺  
設色畫蘆汀暮雨柳岸歸牛一童蓑笠執鞭  
一童風吹笠墮款甲午歲李迪筆

王方題跋

冒雨衝風兩牧兒笠蓑低綰綠楊枝深宮玉  
食何從得稼穡艱難豈不知緝熙殿書鈴璽  
一御前之印

鑒藏寶璽

五璽

寶笈三編

收傳印記晉府奎章晉府書畫之印敬德堂  
圖書印御前之印道濟書府清和珍玩乾坤  
清祕半印一不可辨

謹案宋史理宗紀紹定六年以緝熙榜殿記  
宣示史館又玉海紹定六年六月甲午緝熙  
殿成御書二字榜之此軸上題七絕一首殆  
理宗書也

宋吳說尺牘一冊

〔本幅〕紙本。摺裝九幅。行書。一縱九寸三分。橫一尺四寸一分。說上問慶門星聚。伏惟均協。當請令嗣將仕侍下休祿。匆匆不及別狀。說近奉詔旨。訪求晉唐真蹟。此間絕難得。止有唐人臨蘭亭一本。答以千緡。省若更高古。許命以官。且告老兄。出一隻。亦足廣為愛宗。亦足張吾軍也。留意。幸甚。幸甚。說再拜上問。二縱。



七寸四分。橫一尺二寸二分。說頓首上啟。明  
善宗簿懿親侍史。近兩上狀。一附彌大。一送  
華亭。未知已得呈達否。比又辱誨示。承已達  
行。在感慰。兼至信復。伏惟尊履申福。宗寺職  
務清簡。諒多娛暇。正恐朝夕別有異數耳。說  
碌碌不足數。到官已半年。更如許時。通理當  
滿。預有填壑之憂。正遠冀寶鍊冲粹。不宣。說  
頓首上啟。明善宗簿懿親侍史。八月晦。三縱。

九寸橫一尺二寸四分○說頓首上啟○奉教伏  
審○即日尊履申福○說初意臨行一造別適聞  
親翁已調官○便欲赴○恐過此有失時之恨○不  
免於數日促行○因賴中事事旋營○雖欲輟半  
日之隙○不可得矣○臨發遣問○以敘懷抱也○大  
叅且欲泊報恩○以便甘養○邦人甚惜其遽○鄙  
亦恨紹伊之去也○蠟梅已折簡付來介○徑取  
持納○方人事叢委○上報率畧不宣○說頓首款

士提舉家丞老兄。四縱九寸六分。橫一尺四寸七分。說頓首再拜。說衰遲蹇鈍。無足比數。頃蒙造物存錄。假守四郡。曾微寸効。以副共理之寄。比奉安豐之命。旋膺盱眙之除。豈所宜蒙。誠為非據。竊意使人不晚過界。拜勅之日。即刻登塗。水陸兼行。倍道疾馳。自鄱陽旬有三日。抵所治。偶寬數日。趣辦錫宴等事務。幸不闕誤。惟是此地最為極邊。事責匪輕。宜

得敏手通材。乃克有濟。而老退踈拙之人。豈能勝任。素荷眷予。幸有以警誨而發藥之。是所望者。說頓首再拜。五縱九寸五分。橫一尺三寸九分。說頓首再啟。垂喻錦里園亭諸榜。何其盛也。悉如尺度寫納。告侍次為稟呈。第愧弱翰不稱耳。謝傳方且為蒼生而起。裴公詎容從綠野之游乎。非次不敢數拜問。櫝亦告侍旁。為致下悃。昨中丞初除拜日。嘗致賀。

啟一通不敢使人代乃其自製吾友試一取  
觀之亦可以見其蘄向之意也說頓首再啟  
六縱八寸九分橫一尺二寸二分說上問堂  
上太宜人伏惟壽履康寧兒母婦孫並拜問  
誠三十姐孺人侍奉多慶骨肉輩一一伸意  
為別之久不忘思念五十五六十皆得相近  
種種極荷敦篤存顧多感多感郎娘均勝聞  
甚慧茂可喜可喜此有需幹不外說上問說

衰晚驟當兄劇觸冒暑毒忽得血淋之疾楚  
苦良甚不逮親染為愧。縱一尺三分橫一  
尺四寸六分說再拜說夏末被命之初頗聞  
廟堂餘論謂老兄屢以親庭為言恐不日別  
有改命。九月初得提領海船張觀察公裕書  
云近准樞密院照劄福建運判魯朝請候起  
發海船齊足日躬親管押於提領海船司交  
割訖發赴行在竊料必有異數之寵近有士

大夫自福唐來者皆言使坐尚未承准此項  
指揮不知今已被受否奔迸流離之餘日迫  
溝壑佇俟老兄新命庶幾早就廩食以活孥  
累或節從經由此邑得遂迎見尤所慰幸說  
惶恐再拜八縱八寸七分橫一尺二分二哥  
監獄宣教二嫂孺人緬想侍旁多慶兒女一  
一慧茂兒母兒婦諸孫悉附拜興居及伸問  
二哥嫂匆匆未及別問大哥時相聞但未能

得一相聚為不足耳。家訊見妻適無使人。今附遞以往。鄧守舊識。能相周旋否。說欲趁寒食至墓下。不出此月下旬去。此積年懷抱。當俟面見傾倒。預以慰快。說再啟。九縱九寸二分。橫一尺二寸。百姐恭人。伏惟體候。萬福。兒母暨兒女輩。並附起居。第三兒婦一房。與堂前老幼數人。在德安府。近遣人般取。朝夕盡來官所。蓋兩處凡百倍費耳。大女子五七娘。



與汪壻俱來歸寧。汪壻欲營權局。已津遣往京西漕司營之。想須得一處六九求岳祠。聞已得之。後生未欲令出官。且累資考耳。第二女子七十娘。荷本路向漕來議。為其冢婦。秋初欲言定。庶去替不及半年。免避親。但窮蠶種種無有。妝奩未易辦爾。正遠唯希將護。二甥別遣訊說上問。

鑒藏寶璽

五璽全

寶笈三編嘉慶御覽之寶

收傳印記提點兩浙路刑獄印監國府印柏  
巖重彦瞻萬書一儒重泳齋和王嫡曾  
孫代國楊子泳齋圖籍商邱宋榮審定真蹟  
巡撫江西地方兼理軍務關防左清商邱宋  
榮書畫府印

謹案吳說字傳朋號鍊塘錢唐人攷見續編  
又宋詩紀事云王達原之外孫官至郎中

[illegible]

宋蘇漢臣鍾馗逐福圖 一軸

〔本幅〕絹本。縱三尺九分，橫一尺五寸一分。設色畫。巖樹下鍾馗執笏，一紅蝙蝠翔笏上。旁有鬼卒負壺，盧十二枚。款：畫院待詔蘇漢臣書。無印。

鑒藏寶璽

五璽全

寶笈三編

〔收傳〕印記：鳳閣之寶、佩府。

[illegible]

宋蘇漢臣貨郎圖一軸

本幅絹本縱四尺九寸六分橫三尺三分設色畫庭中植梅花山茶水仙一貨郎停車羅列諸玩具六嬰兒遶而嬉無款印

軸內鈐

高宗純皇帝寶璽乾隆御覽之寶

鑒藏寶璽

五璽全

寶笈三編



宋蘇焯端陽戲嬰圖 一軸

本幅絹本。縱二尺七寸八分。橫一尺六寸。設色畫三嬰兒。一左執雙榴。右以繩繫蟾蜍。將置一兒頭。一兒以兩手捧頭。一兒躍前欲奪之。款蘇焯鈐印一。蘇焯私印。

鑒藏寶璽

全五璽寶笈三編

收傳印記由敦

謹案蘇焯。漢臣子。隆興時為畫院待詔。見圖繪寶璽。





宋林椿十全報喜圖 一軸

本幅絹本縱五尺四寸橫三尺三寸設色畫松竹文石羣鵲飛鳴下上款畫院待詔林椿畫鈐印一漫漶

玉池黃鉞書

御製詩

翠竹蒼松春卉妍  
靈禽求友集翩翾  
初韶報喜事咸洽  
六合四和慶十全

御題宋林椿十全報喜圖臣黃鉞奉  
勅敬書鈐印二臣黃鉞印翰林供奉

鑒藏寶璽

五璽全

寶笈三編

收傳印記都省書畫之印晉府書畫之印  
萊恒之家藏清閼閣珍玩果親王府書畫印  
記

謹案林椿錢唐人淳熙中待詔致見續編

宋朱子尺牘 一冊

〔本幅〕紙本接幅縱一尺三分通橫二尺九寸五分草書八月七日熹頓首啟比兩承書兄未即報比日秋深涼燠未定緬惟宣布之餘起處佳福熹到官三月疾病半之重以國家喪紀慶霈相尋而至憂喜交并忽忽度日殊無休暇茲又忽叨收召衰病如此豈堪世用然聞得是親批出不知誰以誤聽也在官禮

不敢詞。

詞疑作辭。

已一面起發。亦已伸之祠祿。前

路未報。即見歸建陽侯命。昨日解印出城。且  
脫目前疲冗。而後日之慮無涯。無由面言。但  
恨垂老入此鬧籃。未知作何合殺耳。本路事  
合理會者極多。頗已畧見頭緒。而未及下手。  
至如長沙一郡。事之合經理者尤多。皆竊有  
志而未及究也。來諭曲折。雖有已施行者。但  
今既去。誰復稟承。如寨官之屬。若且在此。便

當為申明省并而補其要害不可闕處之兵  
乃為久遠之計未知今日與後來之人能復  
任此責否耳學官之事可駭惜不早聞當與  
一按只如李守之無狀亦可惡也劉法建人  
舊亦識之乃能有守亦可嘉也李必達者知  
其不然前日奉議乃以遠困之耳得不追證  
甚喜六字旁添已復再送郴州令不得憑其虛詞  
輒有追擾州郡若若字旁添喻此意且羈留之亦

一事也。初聽

二字旁添

其詞固無根而察其夫婦

之色亦無悲戚之意。尋觀獄詞

四字旁添

決知其

二字倒寫妄也。

賢表才力有餘語意明決治一小

郡固無足為諸司亦已畧相知但恨熹便去

此不得俟政成而預薦者之列耳。目痛殊甚

草草附此奉報不能盡所懷惟冀以時自愛

前迅休渥閭中宜人及諸郎各安佳。二子及

長婦諸女諸孫一一拜問起居。朱桂州至此

欲遣人候之。未及而去。因書幸為道意。有永  
福令呂大信者。居仁舍人之親姪。謹愿有守。  
幸其譽之也。熹再拜啟。會之知郡。朝議賢表。

前幅

墨畫朱子像。題宋徽國朱文公遺像。隸書無款  
印。

後幅題跋

題晦庵翰墨卷後。右晦庵翰墨文卷。乃有宋



沈著舜卿出雜色倭紙奉邀徽國朱文公走  
書晉彭澤令陶淵明歸去來辭今潮郡幕賓  
宛陵陳君家世寶藏之舊物遞遞相付抱持  
弗置至君又能裝池成卷是所以承遺澤於  
前而垂蓋於後耳遺攷柴桑翁元亮以曾  
祖晉世宰輔自少家貧耕植自給餅無儲粟  
不求見需為能固守其窮爰以叔父見用為  
令當風波未靜之時在官八十餘日見宋業

漸隆不復肯仕。劃然賦辭。自免去職。可謂得靖節之純也耶。有謂元亮恥事二姓。在晉所作。皆題年號。入宋之詩。惟書甲子。皆惑於傳記之外。雖有識如黃庭堅。秦觀。李燾。真德秀。亦踵其謬。而弗之察。獨蕭統。撰本為是。所以子朱子。述通鑑綱目。遂書曰。晉徵士陶潛卒。可謂得其實矣。曩昔晦庵。然舜卿之請。不他銘記書。而是特筆者。當喝疾之作楚。景慕淵。

明之清致。遂有乘興捉筆。不覺終篇之譔。而紀注不曰晦庵。而曰雲壑者。時築室於建陽廬峯之巔。號曰雲谷。蓋在紫陽書堂之後。因創草堂。而扁曰晦庵。亦曰雲壑老人。後得武夷五曲之地。結廬其間。曰武夷精舍。晚卜築於考亭。作精舍曰竹林。更名曰滄洲。因號曰滄洲病叟。最後撰著遇邀之同人。更號邀翁。而晦庵之號。甚顯於世。故多晦庵云。年譜序。

次如是。其雲壑為文公別號明矣。顧其筆勢  
遒勁。天機逸發。如枯藤朽木。雲舒霧斂。當為  
公平生所書第一帖。且自謂余嘗病紙太滑。  
筆浮而字畫不能工。是即大易謙之之微意。  
及觀韋庵王侯隸古四大字。以并卷端。其字  
畫之古樸。精神之飛動。鵬褰褰當作翬海怒。歛起  
無際。又為昭代第一手。當與晦庵之法格。婉  
美揚休於萬世。為不拔。彼常流槩以插花美

女為奇觀使其見此必將吐舌而走矣時正  
統八年辰在癸亥秋菊月節日潮州府海陽  
縣儒學教諭三山晏寧書鈐印五靜齋三山  
世家丙午科鄉貢士學古辭達而已

鑒藏寶璽

五璽

寶笈三編

收傳印記吳楨周生蒼巖子蕉林鑒定

謹案是冊後幅晏寧所跋乃朱子書陶潛歸  
去來辭非跋本幅朱子與會之書當由收藏  
家以跋語亦為朱子書而作故附裝冊後耳

宋朱子自書城南二十詠一卷

本幅紙本。縱九寸八分。橫八尺六寸。行草書。

奉同敬夫兄城南之作。納湖詩筒。連畫卷。坐

看復行吟。想象集作像南湖水。秋來幾許深。

東渚。小山幽桂叢。歲暮藹集作靄佳色。花落洞

庭波。秋風渺何極。詠歸橋涼集作綠漲平橋。

集作湖水。朱欄跨水集作小橋。舞雩千載事。歷歷

在今朝。船齋考槃雖在陸。滉瀟水雲深。正

爾滄洲趣難忘魏闕心  
麗澤堂堂後林陰

密堂前湖水深感君懷我意  
千里夢相尋

蘭澗光風浮碧澗  
蘭杜日猗猗  
竟歲無人采

含薰祇自知  
書樓君家一編書  
不自圯上

得石室寄林端  
時來玩幽蹟  
山齋藏書樓

上頭讀書樓下屋  
懷哉千載心  
俯仰數椽足

蒙軒先生湖海姿  
蒙養今自闕  
銘坐仰先

賢點畫存象繫  
石瀨疏此竹下渠  
瀨集作

彼澗中石莫館遶寒聲秋空動澄碧卷雲

亭西山雲氣深徒倚一舒嘯浩蕩忽褰

集作褰

開為君展遐眺柳堤渚華初出水堤樹亦

成行吟罷天津句薰風拂面涼月榭月色

三秋白湖光四面平與君臨倒景上下極空

明濯清亭涉江采芙蓉十反心無數不遇

無極翁深衷竟誰識西嶼朝吟東嶼

集作渚

風夕弄西嶼月人境諒非遙湖山自幽絕



淙淙谷。湖光湛不流。嵌竇亦潛注。倚杖忽淙

琤。竹深無覓處。

梅堤仙人貞冰雪。

五字仙行。

人冰雪姿。貞秀絕倫擬。驛使詎知聞。尋香問

煙水。

聽雨舫。絲舟停畫檣。容與得歌眠。夢

破蓬窗雨。寒聲動一川。

本集是首在梅堤前。

采菱舟。

湖平秋水碧。桂棹木蘭舟。一曲菱歌晚。驚飛

欲下鷗。

南阜高丘復層觀。何日去登臨。一

目長空盡。寒江列暮岑。燾再拜鈴印。一朱燾

之印。幅尾題：晦翁此帖極神俊。宏治庚戌孟夏。後學司馬璽。拜觀於友人沈暉時暘所。鈐印一。司馬璽氏。

〔後幅題跋〕

右晦庵先生真蹟。筆精墨妙。有晉人之風。大賢無所不能。固非可一藝名也。當是先生由建中回新安時所書。流落人間。文傳薄遊婺源。得之不啻若珙璧。攜以歸吳中。嘗同仁夫

一觀。餘不以示他人也。近伯廣自琴川來訪。病中不及款曲。別後思所以見意。念他物皆不足以浼伯廣。因書於卷尾。令淵持贈之。轉似仁夫。仍題數語於其後云。吳郡干文傳。鈴印。二晉良史裔。潁川郡侯世家。城南齋記。城南齋者。常熟錢君伯廣息游藏修之所也。伯廣早從其鄉先達尚書干先生游。先生之守婺源也。嘗得晦庵朱子手書城南二十詠。

而寶愛之。未嘗輒以示人。卒乃歸之伯廣。而伯廣之居。適在其州之南。謂朱子之遺墨。為不易得。而先生之賜。尤不可虛辱。遂即所居東偏。構斯齋。因扁曰城南。且并以城南自號。仍刻二十詠之詩。置諸齋中焉。至正甲午之夏。先生嗣子陝州使君。謁予金華山中。伯廣爰介其求。予記夫士君子之為學。既從大人長者。為之依歸。而又尚友乎古之人。以求聖

賢之道。斯亦可謂有志者矣。惟先生顯擢巍科。薦躋膺仕。文學政事。著聞當世。為一代鉅儒。而伯廣以鄉里子弟。獲從之遊。則其有所依歸。而授受之間。所得之多。可知矣。雖然。先生之道。實出於朱子。而朱子之道。天下後世所同尊而共由者也。世之誦其詩。讀其書者。夫人皆是也。然能真知其道。而實踐之者。幾何人哉。今伯廣於其遺墨之偶存。即愛護而

表顯之。若親覲其光儀。而聆其謦欬。則於其道能知而踐之。又可知也。夫既因先生之傳。而上求朱子之道。復表朱子之遺墨。而不敢虛先王之賜。然則伯廣之息游藏修。於是齋也。其殆庶幾俯仰而無媿乎。詩曰。高山仰止。景行行止。此伯廣之志也。又曰。相在爾室。尚不愧於屋漏。予之望於伯廣者。不其以此歟。予於先生有同年之好。而陝州之請復堅。故

為伯廣一言之嗟乎先生不可作矣伯廣尚或因予言而有警哉五月甲子金華黃潛記  
鈐印二金華黃晉卿氏右徽國文公真蹟  
先祖禮部府君所藏也禮部君嘗守婺源實  
公闕里其故業久為豪右所據公五世孫光  
繫頸以組誓不復故業雖死不去其組凡十  
有五年而禮部君至力復其業光深德之已  
而秩滿光持公所書二卷以報禮部君納焉

愛之不啻珙璧重寶。會海虞錢伯廣氏謁禮部君於私第。伯廣嗜古好學。因出示之。其詳玩不忍釋手。先祖以其好之之篤。他日命淵持其一以贈。伯廣為構城南小隱以居之。又博求大夫士為詩文以詠歌其間。且成軸矣。未幾禮部君歿。更十餘年。而兵戈搶攘。伯廣亦已遺世。向之城南小隱。轉為邱墟。則此卷者。安知其所在哉。近乃於虞君子賢客次見。



之及觀先祖手澤黃太史所為記竊深有所  
感焉矧聞虞君之得是卷也亦於其所居之  
東構軒二十楹各顏其詩於上蓋其好之之  
篤不亦愈於伯廣者乎故并以家藏之卷贈  
之是亦承禮部君之遺意也因識其顏末於  
左方而歸之虞君云至正癸卯冬十又一月  
既望吳郡干淵再拜書鈴印三資深晉良史  
裔潁川郡侯世家晦翁詩翰一通近獲觀

於吾友沈方伯時暘。往復吟諷。不勝高山仰止之歎。宏治癸丑春正月十七日。後學長沙李東陽拜書。鈐印二。長沙賓之。東陽嘗侍

坐於外舅蒙泉先生。先生指壁間晦翁石刻曰。還識此中妙處否。大抵一筆是一筆。時亦不甚著意。今思此語。亦不可得也。東陽又書。鈐印一。七十一峯深處。晦庵先生和張宣公城南二十詠。先生手書也。吾鄉尚書于公

壽道故元時仕於婺源初得於先生五世孫  
先既而歸常熟錢伯廣伯廣復歸其邑虞子  
賢自子賢以後不知幾傳今為江西左布政  
使宜興沈公得之公博雅好古景仰前哲從  
是二卷永有所託矣夫前哲遺跡非寬所敢  
題識因公見示聊著其所流傳者而還之卷  
中有楊廉夫補錄宣公元唱及黃文獻公為  
伯廣作城南齋記而尚書之孫淵亦有跋語

在吳中文獻亦可考見。則是卷之資余識其  
亦多矣。宏治癸丑春正月既望。長洲吳寬謹  
書。鈐印三。延陵吳寬原博。此紫陽朱先生  
之手蹟也。木敬奉觀。卷舒不忍釋手者三四  
不覺悵然曰。紫陽之蹟。舊為琴川之珍。今吾  
為琴川人。而不獲寶其蹟。得無有愧乎。坐有  
詰者曰。子言不幾於誤也。善師紫陽者。不貴  
其蹟而貴其心。得其蹟而兼得其心。與得其

心而不必得其蹟。是豈有間然邪。三復斯言。深歎服其有警於余。而愧余之未到也。謹書以歸方伯甫。并冀考夫異日焉。宏治六年癸丑二月朔旦。後學周木謹題。鈐印三。勉思近仁。天官郎中。紫陽夫子平生講道之功。日不暇給。而於辭翰游戲之事。亦往往精詣絕人。評書家謂其書鬱有道義之氣。固耶。今觀吾鄉沈方伯時。場所藏和張宣公城南雜詠。

手蹟詞皆衝口而得。字亦縱筆所書。架度弛張。姿態逸發。雖晉唐諸名家。未易比數。世之稱求道者。動輒曰是薤葉之藝。非吾事也。不亦異哉。方伯書宗魯公。比益秀整有法。蓋範之以方嚴毅烈之風。而尤得道義之助。若此觸類而長。宜其德宏政粹。日就大成。不啻文翰之妙而已也。况公世家義興之黃瀆。據太湖勝處。詩中意象。舉目而是。當其景與心融。

若自口出。風流人豪。古今人豈相遠哉。其眎  
諸構軒列扁。區區模擬者。有餘韻矣。方伯家  
多法書名墨。而寶此為特甚。其有以也。夫宏  
治癸丑春正月廿一日。晉陵陸簡拜手謹識。  
鈐印三。平原廉伯。世經堂印。晦庵先生潛  
心聖賢之學。探索至道。其於詞章字畫。蓋有  
不暇留意者。今觀先生自書所和張宣公城  
南雜詠廿首。其詞渾厚和平。有盛唐風致。其

字如孤松老柏。晉宋間以書名家者未易及也。是雖大賢多能所到。其所以然者亦本於心耳。先生之學以正心為本。夫詩心聲也。字心畫也。心得所養則發之於詩。形之於字。卓乎絕俗。豈世之憊精疲神以學詩學字者所可彷彿哉。善學先生者。詠其心聲。玩其心畫。則放心自復。鄙吝自消。固可得其心法於詞句點畫之表矣。方伯沈公時暘得此卷寶之。



不啻縣藜照乘之珍。間出示予。拜觀之餘。肅然起敬。謹識其後而歸之。時宏治癸丑秋九月。菊節後三日。盱江後學何喬新識。鈐印三。玩芳亭父子尚書文定公之裔。此詩見先生全集第三卷。其曰敬夫者。南軒也。宋臨文多避忌。雖字音之同者。亦所不免。詩中之貞曰貞者。為楨諱也。夫字與詩皆非先生素所專意。而思致矩度。一出自然。如此信非先生。

莫能到也。窮鄉晚學，獲觀墨刻，雖多而真蹟則未嘗見。方伯沈公博雅好古，家藏此帖，間出示予，披閱累日，不啻入考亭侍研席，其為惠教多矣。歐陽公所謂視其所好，可以知其人，方伯有之。宏治六年癸丑春正月二十四日庚寅，後學寧都董越謹拜手識。鈐印三。圭峯尚矩。玉堂學士。晦翁先生書。初學魏武，晚乃成家。其成也則亦超然自得，類乎其順。

論陶詩者嘗曰巧於斤斧者多疑其拙。窘於檢括者輒病其放。孔子曰甯武子其智可及也。其愚不可及也。知此可與觀先生書矣。真蹟最為難得。予僅兩見。一為遂安詹氏家本。一則今本。大方伯沈公所藏也。先生平生固未嘗專以此為事。亦未嘗不以此為事。是以千古之下。流布人間。如石刻繫辭之類甚多。而君子寶之逾至。至論真蹟如此篇者。又

可多得哉。癸丑八月朔。後學豫章李士實拜  
手書。鈐印一。白州。詞翰儒者末事。今觀吾  
紫陽先生詩筆。皆精到如此。可以仰窺其心  
之萬一矣。事在是。則心在是。凡事都有到家  
處。事不到家。亦其心容有未到也。吾徒知所  
以用心。與謬自誣。以為此末事。不必留心者。  
可猛省矣。謹拜識。歸諸沈氏。時都憲公命方  
下。宏治甲寅五月二十六日也。後學南昌張

元禎書鈐印三。西山秀色。安峯。張元禎印。

晦庵先生嘗因程子作字甚敬之說。銘諸座右。又嘗取古詩依其聲之平側而擬之。則於字畫詩句。豈若世人鹵莽滅裂而為之者哉。然其學主於為己。歸於求心。而非有爭妍鬥靡之意。故其形於歌詠。則古澹和平。見於簡札。則蕭散簡遠。非流俗所敢望。而人之寶之。蓋又不專在於言語文字之間也。予來宜興。

少司空豫軒沈公示予此卷乃先生所和南軒張子城南諸詩意必先生游衡湘時所作世傳先生雅好佳山水所至聞有

此下衍勝名字。

處

此字旁添

雖迂途數十里必往遊焉故其南遊

過予邑也於紫溪石井章巖皆有詩載諸集中具可考見恨予生晚不得操几杖執筆硯從先生歷覽名勝以快平生之願然諦觀手澤恍如聆謦欬而親儀矩亦何幸哉因端拜

楷首書於卷末庶幾托以傳諸不朽云正德  
甲戌秋九月壬申後學鉛山費宏寓于莊謹  
識鈐印三太史氏子充鵞湖讀書處

引首

晦翁手澤篆書鈐印一李東陽印

前隔水

元晦夫子手蹟孫承澤題鈐印二願學未能城南

書舍

鑒藏寶璽

五璽全

寶笈三編

收傳印記謝在杭印半孫承澤印十重願學未能  
城南書舍西田居士西田一重無住道人司馬  
蘭亭賞鑑一重王揆之印額庵一重王藻儒收藏  
圖書太原郡圖書印退軒王揆字藻儒號額  
庵又號退軒揆一號額庵文肅後人妻江王  
藻儒氏真賞太原額庵王氏拙修堂收藏圖  
書



謹案司馬。號蘭亭。山陰人。成化士辰進士。官至福建副使。致見續編。沈暉。字時暘。宜興人。天順庚辰進士。歷官南京兵部侍郎。董越。字尚矩。寧都人。成化己丑賜進士第三。歷官南京工部尚書。謚文僖。李士賓。字若虛。江南豐城人。成化丙戌進士。歷官右都御史。並見列卿紀。于文傳。字壽道。號止齋。延祐二年乙科。歷官禮部尚書。元史有傳。居木。字近仁。成化乙未進士。歷官浙江右參政。學者稱勉思先生。見蘇州府志。陸簡。字康伯。號治齋。又號龍臺。武進人。成化丙戌進士。歷官少詹事。見四庫全書總目。何喬新。字廷秀。一字天苞。江西廣昌人。景泰甲戌進士。歷官刑部尚書。謚文肅。張元楨。字廷祥。南昌人。天順庚辰進士。歷官吏部左侍郎。謚文恪。費宏。字子充。鉛山人。成化丁未賜進士第一。歷官華蓋殿大學

士。藝文憲。明史皆有傳。

[illegible]

宋劉松年宮蠶圖 一卷

〔本幅〕紙本。縱一尺二寸六分。橫一丈七尺八寸五分。設色界畫。繭館重簷複宇。接棟連甍。勢極閎敞。始采桑。終製帛。按候遞繪人事。自采桑而後。為掃蠶。為飼蠶。為分箔。為上簇。為煮繭。為繰。為絡。為緯。為搦。為凍。為熨。為裁。器用自采桑梯而外。桑則為籠。為網。為剗。為礎。為夾。蠶則為曲。為椽。為架。為簇。為繭釜。為

夔為鑠車。為維車。為機。為杼。為戣。斗為刀。凡  
圖中分繪后妃嬪御宮監宮妾及嬰嬰童穉  
凡百八十四人。款宮蠶圖。臣劉松年進。無印。  
後幅題跋。

蠶書考之禹貢。揚梁幽雍。不貢繭物。充篚織  
文。徐篚元纖。縞荆篚元纁。璣組。豫篚織纈。青  
篚縠絲。皆繭物也。而桑土既蠶。獨言於充。然  
則九州蠶事。究為最乎。予游濟河之間。見繭

者豫事時作一婦不蠶比屋言之故知充人  
可為繭師。今予所書有與吳中蠶家不同者  
皆得充人也。種蠶臘之日聚蠶種沃以牛  
溲浴於川毋傷其藉乃縣之始審卧之五日  
色青六日白七日蠶已蠶尚卧而不傷時  
食蠶生明日桑或柘葉風戾以食之寸二十  
分晝夜五食九日不食一日一夜謂之初眠  
又七日再眠如初既食葉寸十分晝夜六食

又七日三眠如再又七日若五日不食二日  
謂之大眠食半葉晝夜八食又三日健食乃  
食全葉晝夜十食不三日遂繭凡眠已初食  
布葉勿擲擲則蠶驚毋食二葉制居種變  
方尺及乎將繭乃方四丈織荏葦範以蒼葭  
竹長七尺廣五尺以為筐建四木宮梁之上  
以為槌縣筐中間九寸凡槌十縣以居食蠶  
時分其居糞其葉餘以時去之荏葉為籬勿

密屈藁之長二尺者自後茨之為簇以居繭  
蠶凡繭七日而採之居蠶欲溫居繭欲涼故  
以萑鋪繭寒之以風以緩蛾變化治常令  
煮繭之鼎湯如蟹眼必以筋其緒附於先引  
謂之餵頭毋過三系則系麤不及則脆其審  
舉之凡系自鼎道錢眼升於鐮星星應車動  
以過添梯梯字旁註乃至於車錢眼為版長過  
鼎面廣三寸厚九黍中其厚插大錢一出其



端○橫之鼎耳後○鎮以石○緒總錢眼而上之○謂  
之錢眼○鎖星為三蘆管○管長四寸○樞以圓  
木○建兩竹夾鼎耳○縛樞於竹中管之轉○以車  
下直錢眼○謂之鎖星○添梯車之左端○置環  
繩○其前尺有五寸○當車牀左足之上○建柄長  
寸有半○匠柄為鼓○鼓生其寅以受環繩○繩應  
車運如環無端○鼓因以旋○鼓上為魚○魚半出  
鼓○其出之中○建柄半寸○上承添梯○添梯者二

尺五寸片竹也。其上標竹為鉤以防系。竅左端以應柄。對鼓為耳。方其穿以閑添梯。故車運以牽環繩。繩簇鼓以舞魚。魚振添梯。故系不過偏。車制車如轆轤。必活其兩輻以利脫系。禱神卧種之日。升香以禱。天駟先蠶也。割雞設醴。以禱婦人。寓氏公主。蓋蠶神也。毋治堰。毋誅草。毋沃灰。毋室入外人。四者神實惡之。戒治。唐史載于闐初無桑。丐鄰國。

不肯出。其主即求置婚。許之。乃告曰：國無帛。可持蠶自為衣。女聞置蠶帽絮中。關守不敢驗。自是始有蠶。女刻石約無殺蠶。蛾飛盡。乃得治繭。言蠶為衣。則治繭可為絲矣。世傳繭之未蛾而竅者。不可為絲。頃見鄰家誤以竅繭雜全繭治之。皆成糸焉。疑蛾蛻之繭也。欲以為絲。而其中空不復可治。嗚呼。世有知于繭治絲法者。肯以教人。則貸蠶之死。可勝計。

哉。予作蠶書。哀蠶有功而不免。故錄唐史所載。以俟博物者。予所藏劉松年宮桑圖。長卷。備及蠶事。可與馬和之繪幽風并垂後世。馬畫宋君手書幽詩於其端。特念耕織生民之大端。蠶桑工苦。陸魯望一賦之外。古今絕無篇詠。適閱秦淮海集。著有蠶書。一一與此圖相合。故知松年必有依據。而能為此也。遂錄蠶書於其後。俾覽者存倦勤之戒焉。西厓

老人李東陽識鈴印二李東陽印西厓

鑒藏寶璽

五璽全

寶笈三編

收傳印記番易柱國平江伯珍玩安定家藏

謹案曹溶靜惕堂集載有劉松年宮簪圖跋此卷無之。攷文嘉嚴氏書畫記載有宮簪圖三卷。或松年屢畫此。曹氏所跋別是一本歟。

宋劉松年香山九老圖 一卷

〔本幅〕絹本。縱八寸。橫七尺七分。設色畫。松篁泉石間。高年燕集者九人。兩人並立展畫卷。四人翔步石徑間。兩人對奕。一人捉麈旁觀。童子執事者凡四。樹根書款。劉松年無印記。

〔後幅〕題跋。

白傳胡吉諸公。皆以高年不仕。燕游嵩少。後代名筆愛慕。繪事成圖。詩云。維桑與梓。必恭。

敬止。況者德碩望之儀型乎。而又宸章奎畫。焜耀光明。此與夫肖欠伸狀。齟齬者異矣。世之觀者。應束帶而知肅敬焉。馮資再拜書。

大德三年夏五月六日。西秦張煇。錢唐吳存真。屠約。巴西鄧文原。同觀於月泉方丈。時積雨初霽。風日可人。遐想當時九老笑談之樂。為之坐馳而已。文原謹識。鈐印二。鄧文原印。巴西鄧氏善之。

鑒藏寶璽

五璽全

寶笈三編

收傳印記半印三□□□□珍藏之印餘二

印不可辨

謹案馮資時代無考其跋中有桑梓必恭之語疑即洛陽人又云宸章奎壺悅耀光明今並無此殆為後人割去



[illegible]

宋劉松年蓬壺仙侶圖 一軸

本幅絹本。縱五尺。橫三尺一寸。設色界畫。畫樓臺金碧。巖澗紫紆。翠竹琪花。續紛掩映。三仙侶據梧偕坐。童子抱壺矢侍側。一采芝。一策騎度石梁而來。無款印。

玉池

高宗純皇帝御題行書

閣擬蓬壺處。人應佺羨行。或來欲談者。舊問趣方

長丹鼎無須設仙詮有各藏笑他塵世裏漢武及  
秦皇戊午仲夏御題鈐寶二

太上皇帝寶歸政仍訓政

舊題籤

劉松年真筆王世貞鑒定鈐印一元美


軸內分鈐

寶璽

太上皇帝之寶

五福五代堂古稀天子寶。八徵耄念之寶。乾隆御覽  
之寶。乾隆鑒賞。

鑒藏寶璽。五璽寶笈三編。



宋劉松年絲綸圖 一軸

本幅紙本。縱三尺六寸，橫一尺三分。設色畫。花欹石畔，松覆檐端。緯車在庭，一轉軸。一治絲一捧茗盃。款：松年。二小楷字。在松本上。

左方標綾題跋

長松覆前，遠山聳後。庭檻綴花，石殊幽曠。簷間一姬，拗輪一媼。治絲一侍兒，捧茶不濡而露。纖紅故北妝也。筆法細潤，有生氣。標題作

馬遠萬厯壬子秋余在白下得之潤州吳汝  
廷。厯三十餘年。無有知其非遠者。今崇禎壬  
午秋付裝潢。洲兒於松身識其款曰松年。蠅  
頭小楷。雜鱗紋墨漬間。不復可辨。有如當時  
稱之為暗門劃者。今一旦豁然。恍睹其人。可  
勝撫掌稱快。攜李汪何玉源崑甫題於韻石  
齋。鈐印二。玉水何玉之印。

鑒藏寶璽

五璽全

寶笈三編

收傳印記冰霞閣鼎揆神品趙氏珍藏忠魁  
士裔石菴鑑賞之印汪氏珍藏愛荆私記  
功

謹案是圖及跋語已載入汪硯玉珊瑚網中  
惟源寔前作樂卿甫當是自編珊瑚網時改  
定汪硯玉字玉水徽州人僑居嘉興崇禎中  
官山東鹽運使判官見明詩綜小傳



--	--	--	--	--	--	--	--

宋劉松年瑤池獻壽圖 一軸

本幅絹本。縱六尺二寸五分。橫三尺四寸。設色畫。雙松夾崖。萬蘿纏絡。丹崖之半。微露殿脊。層臺上建。簋以文石。繚以雕欄。霓旌雲幢。循階而上。西王母與漢武帝。上下相向坐。衆女仙捧桃實。競進。二輦駐山麓。二女仙於山崖頂。米桃方來。無款印。

鑒藏寶璽

五璽全

寶笈三編

收傳印記古香樓重休陽汪季青書畫鑒賞  
汪季青珍藏書畫之印

宋劉松年醉僧圖一軸

本幅絹本。縱三尺。橫一尺五寸。水墨畫。松本  
繫葫蘆。一童伸紙。一童捧硯。一僧袒肩坐  
石作書。款嘉定庚午劉松年畫。無印記。

高宗純皇帝御題行書

長松之下坐顏仙。草聖揮毫落紙烟。生面別開神  
髓合。石渠聯璧有龍眠。乙未仲春中泠御題。鈐寶  
四。幾暇怡情得佳趣。乾隆御覽之寶。乾隆鑑賞。

前人題詠

人人送酒不曾沽。每日松間挂一壺。  
草聖欲來狂便發。真堪畫作醉僧圖。  
無款印。

鑒藏寶璽

五璽全

寶笈三編

收傳印記真賞珍祕。宜爾子孫公。信公珍賞。  
耿會侯鑑定書畫之章。琴書堂都尉耿信公。  
書畫之印。餘三印不可辨。

宋湯正仲畫梅花 一軸

本幅紙本縱四尺二寸橫二尺四分設色畫  
皓魄當空繁英似雪雙鳥棲枝上如欲啁者  
款開禧丙寅春王月湯正仲畫鈐印一湯叔  
雅氏原題密翠長條野岸邊華枝如雪半籠  
烟濃香殘月玲瓏影照見華間夜鳥眠汾亭  
石巖題書鈐印一石民瞻印

鑒藏寶璽

五璽

寶笈三編

收傳印記神品子京所藏墨林祕玩項子京  
氏南昌袁氏家藏珍玩子孫永保湖海樓書  
畫印

謹案湯正仲字叔雅江西人楊補之甥後居  
黃巖號閒菴開禧年仕善畫梅竹松石見畫  
史會要

宋馬遠豐年考牧圖一卷

〔本幅〕絹本縱七寸四分橫五尺設色畫秋林村舍蘆渚稻田蓑笠平舉牛羊歸牧款馬遠畫鈐印一漫漶

鑒藏寶璽

五璽寶笈三編

〔收傳印記〕六十七代衍聖公毓圻鑒賞章繼涑私印信夫



卷之八

八

八

八

八

八

八

八

八

八

八

八

宋馬遠畫王羲之玩鵝圖 一軸


〔本幅〕絹本。縱三尺六寸二分。橫一尺六寸三分。設色畫。二鵝游詠波際。羲之巾服。執六角扇。倚松根坐觀。童子執悅侍旁。曲欄四周。芳草滿地。原題。歌坐蔭青松。高風振千古。脩然好鵝賓。山陰掃寒素。無款印。

鑒藏寶璽

五璽

寶笈三編

〔收傳印〕記御府之印



宋馬遠對月圖 一軸

本幅絹本。縱四尺六寸五分。橫二尺四寸三分。淺設色畫。懸崖秋色。皓月當空。一人坐磐石。持杯向月。一童子捧瓶侍立。無款印。

鑒藏寶璽

五璽全。寶笈三編。

[illegible]

宋馬遠攜鶴問梅圖 一軸

〔本幅〕紙本縱三尺八寸橫一尺一寸水墨畫  
林崖積雪一人攜鶴探梅童子挈杖隨後一  
童子折梅自坡外來款馬遠無印

舊題籤

宋馬欽山攜鶴問梅圖真蹟正統十三年戊  
辰歲秋九月重裱書隸鈐印二達可口鼎口口

鑒藏寶璽

五璽

寶笈三編

收傳印記真賞信公珍賞直指繡衣御史章  
都尉耿信公書畫之章五經世家

宋馬遠畫雪景 一軸

本幅紙本縱七尺九寸五分橫三尺一寸八分設色畫層巖積雪古松際天楓葉漫山梅花繞屋一人亭中坐眺一人策騎方度橋款

馬遠

文白無印

鑒藏寶璽

五夏金

寶笈三編



[illegible]

宋常杓篆書宋人詞 一冊

〔本幅〕絹本。六對幅半。皆縱七寸六分。前八幅  
橫三寸四分。後五幅橫三寸三分。篆書。哨編  
為米折腰。因酒棄家。口體交相累。歸去來。誰  
不遣君歸。覺從前俱非。今是。露未晞。征夫指  
予歸路。門前笑語。宣童稚。嗟舊菊都荒。新松  
暗老。吾年今已如此。但小牕容。鄰閉柴扉。策  
杖看孤雲暮鴻飛。雲出無心。鳥倦知還。本非

有意意歸去來兮我今忘我兼忘世親戚無  
浪語琴書中有真味步翠麓敍隱汎舟窈窕  
涓涓暗谷流春水觀草木欣榮幽人自感吾  
生行且休矣念寓形宇內復幾時不自覺皇  
皇欲何之委吾心去留誰計神仙知在何處  
富貴非吾事但知臨水登山嘯詠自引壺觴  
自醉此生天命更奚疑且乘流遇坎還止刻小  
太行之陽陽作陽環抱兩山盤作盤下下同谷真堪記

盤之間。泉作甘而土肥。草木蕃作。凡民眇至。

或以為茲山宅幽而阻。隱人之所盤旋地。嗟

舊友良朋。李愿居此。其言真有作深突味。彼

大丈夫者。我知之。坐廊作廟。喜怒有恩威。作畏。

才俊盈前。窈作窕。閑居命作馬。可致意。作槃。

作反。之間。分野居窮處。真多忘世。漁作釣。

安所適。無疑憂。無譽毀。更黜作不。知廢興。

無與。丈夫不遇作當如此。嗟伺候權門奔走。

執路趙趙需

作

而巳

况汗羞

作反

戮辱

老無

作

恥

子韓子

聞言而壯之

飲之酒

復歌

以繫盤之中

宮且稼

深阻誰爭矣

吁

勑盤

作

盤

作

有未央之樂

壽且康

兮無比

無

作

不足

兮更

作

美望

願膏車秣馬

從

子

鍾鼎文

水楓葉下

水楓葉下

水楓葉下

乍湖光清淺

涼生商素

西帝晨游

羅翠蓋

擁

出三千宮女

絳采嬌春

鉛華掩畫

占斷鴛鴦

浦

歌聲搖曳

浣紗

作

人在何處

別岸孤裏

一

浦

歌聲搖曳

浣紗

作

人在何處

別岸孤裏

一

浦

枝。廣寒宮殿。冷落樓愁苦。雪豔冰肌。羞淡泊。  
偷把顰脂勻注。媚臉籠霞。芳心泣露。不肯為。  
雲雨。金波影裏。為誰長恁凝竚。寶慶丁亥。  
識樂易先生於求是先生琴齋。一日書暇。取。  
渠括哨徧俾作二體篆。前一關歸去來。擬李。  
監法。後一關盤谷序。擬款識文。既就。適及中。  
殊紅白蓮詞。因小篆於軸末。樂易隸學高古。  
得橫谿心傳。是猶飫珍羞。嘗苜蓿云。七夕。河。

內常杓敬書 宣中篆畫得之於印階鳥跡  
書葉蟲痕妙處與洪碑暗合如朝暮夕榻而  
成危步嶧巔者勞而無功也此三詞皆入妙  
之筆持贈千里知音知音者下一字漫志隸師樂  
易趙先生也戊子上巳無名印

後幅題跋

正篆廓落圓美得二李筆法款識文交畫處  
填墨如雙鉤筆鋒稜利委儼在鐘鼎古器中

見之。但體製不類。恐非一國書。或出戴衡六書故。要之皆不易得。非近世任意盤屈。以取姿媚者所能到。昔人謂篆書不宜寫詞曲。歸去來詞。盤谷序。自當無害也。成化庚子夏五。吳興庸生張寧為衣公謹跋。鈐印六。惜分陰處。清遠張氏靖之。都諫官印。一笑山雪夜歸舟。

鑒藏寶璽

五璽全

寶笈三編



收傳印記天藻樓珍藏書畫印天藻樓畢沅

祕藏孫承澤印半印。又全印。畢沅審定秋風珍賞

畢瀧墨賞妻東畢沅鑒藏菊東老大不才竹

間吟院虛豁軒竹深處以文會友竹所我師

古人言餘咳唾重文卿

謹案是卷孫承澤庚子銷夏記已收載誤題  
作宋趙樂易篆書。人云樂易為求是先生作。  
今攷原跋二則乃常杓作此以贈樂易。銷夏  
記之言殊為鹵莽矣。虞似良字仲房號橫溪。  
自號寶蓮山人。善篆隸。兼能古文奇字。見謝  
翱金華游錄。僧揮字仲殊姓張氏安州進士。

秦家為僧。居杭州吳山寶月寺。能詩。與東坡  
為方外交。見堯山堂外紀。有詞七卷。見詞綜。  
樂易求是及常杓。皆無攷。其自題寶慶丁亥。  
為宋理宗三年也。張寧字靖之。吳興人。徙海  
鹽。景泰五年進士。由給事中出為汀州知府。  
攷見續編。又集有編二首。前首為蘇軾作。後  
首未知誰作。攷軾集泛溪窈窕。詞律疑泛字  
為清字之譌。据此本實作泛舟。又富貴非吾  
願。詞律以願字當用韻。疑志字或事字之說。  
此本正作事字。又涓涓暗谷流春水。一本作  
如流水。如字語意難解。此本正作流春水。皆  
足正近刻蘇集之謬。惟俱是集作皆是。吳疑  
集作何疑。則文義無甚殊耳。

